

## لما القلب دق



أنا قلبي لما دق

سألته دق ليه

قال فيه غزال معدى

نفسى اتعرف عليه

واحكيله كمان حكايتي

يمكن تأثر فيه

ويمد إديه ياخذني

واسرح ف جمال عنيه

.....

أنا قلبي لما دق

طلبت منه يتقل

وبلاش يكون خفيف

ويكون رزين ويعقل

قال لي حرام عليك

وليه عاوزني أزعل

د انا أول مرة شوفته

إتمنيت انه يقبل

وياريتة يحس بيا

وبحبه كمان ماييخل

.....

أنا قلت خلاص ياقلبي

شوف إيه هيرحك

أنا بس كنت خايف

م الحب ليحرك

ياخذك لبحور غريقة

من غير مايرجعك

وتعيش حزين وتندم

وجراحك توجعك

وساعتها نروح ندور

على حاجة تفرحك